

ten zufragen / Derowegen soll hier keiner  
vermessener weise schreiben / keine Gefahr  
were vorhanden oder zu vermuten / es bleibe  
bet wol darben de futuris contingētibus  
nulla certa datur determinatio.

Zum andern / so prognosticiren wir von der  
Ursachen also: Wan der Bauchfluß her-  
rühret ab atrâ bile, so folgt der todt gewiß /  
wie solches Hipp. vnd Gal. l. 4. Aph. 24. be-  
zeugen / den der Krebs / welcher von gleichen  
ursachen herrühret / vereiniget sich mit ihm /  
vnd so er kaum & ne vix quidē auffer dem  
Leibe kan curiert werden / so scheint ja un-  
möglich / daß er innerlich / da man nicht  
zu kommen kan / solte curirt werdē. Aber hier  
ist in acht zu nemen / daß man nicht stracks /  
wenn die sedes schwarz / den todt verkün-  
digen soll / wie Aetius lehret gar sein den  
Unterscheid / als wenn in grossen hitzigen  
Fiebern oder Quartanâ, vnd zwar am  
Ende derselben / ein schwarzer Durchfluß  
sich erregt / so sey es ein Zeichen der Ge-  
sundheit / vnd wird excretio critica ge-  
nennet / derwegen weder der Medicus noch  
Patiens verzagē soll / er muß aber auch be-  
trachten die Natur des Patienten / vnd sein  
Vera